

Yesux Ih Poi Pasakha



Lukax 22:7-23

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix


Poi Pasakha ah ex mawh pa tix?

Pui ceu Isarilax yuh poi Pasakha ku num, son sang doh keud ka yam viex Siyiex kix lih luan khaing yuh siliex daux meung Ejiptux. Bo sivoe sang teei Siyiex pui Isarilax lih luan khaing Ejiptux, Siyiex nhie pui Isarilax tan kawn yung iak tix mu mai kraix nham yung an ka piang pang khaox siviex khawm ra plak mai ka piang nuk siviex khan kix. Kadaux bo an kix yaox tix ih khao mun pa ang sau susaix, nex kawn yung iak mai taux lhax pa song. Ka daux bo an kawn cau Siyiex hu kadaux meung Ejiptux mai pah kawn Ai can nyiex pa ang kraix nham kawn yung ka siviex tix. Pui ceu Isarilax luan khaing meung Ejiptux daux bo an.


Pui Yudax yuh poi Pasakha, ih khaomun pa ang sau susaix mai nex kawn yung. Kadaux been in ex tag sang yaox grawng ih Yesux poi Pasakha mai kawn cau Tix bawg ghoik heue.



Nyiex ma pa kraix nham kawn yung ka
piang pang khaox siviex khawm ra plak mai ka
piang nuk siviex khan kix awm pa krai Siyiex ka
Mose, kawn Ai kix tag sang luan khaing krax
yum pa ciyang Siyiex.



⁷ Singaix poi blah ang sau susaix, pa mawh
yam tak pah kix ti tan yung Pasakha hoek
heue.⁸ Naws Cao ploi Petrux mai Yohan, ah
nin, “Hu cox khre Pasakha son ex, son sang ih
ex heue.”




⁹ Kiex chawk ka Nawn Cao, “Maix simie
yiex cox khre dee mawx?”



¹⁰ Nawh Cao deeh ah nin ka kiex, yam laig
pax ka daux veng,



.... pui pa viex aw rawm tix kaux tag
sipub pax heue.




Hawt khaix nighth mai laig ka daux nyiex
dee hu nighth,¹¹ mai ah nin ka cao nyiex an,
Sara Cao Gau chawk ah nin ka maix, lawg
son nyo maix, dee tag sang ih Aux Pasakha
tau mai kawncau Aux khankix, koe dee
mawx?



¹² Nawh tag jhi pax yaox lawg pa ting
plak piang, pa hoik koe kraung khre dee an
heue.”




¹³ Kiex hu mai yaox awm pa hoik krai
Nawh Cao ka kiex, kiex cox khre poi
Pasakha heue.



¹⁴ Yam hoik hoek bawg yam nari, Nawh Cao ngawm tau mai kawncau pa ting Nawh kao ra kaux. ¹⁵ Nawh Cao ah nin ka kix, “Aux koe rhawm mai simie ti ih poi Pasakha in, tau mai pex ka sivoe ang Aux nyang bax kham geu heue.




¹⁶ Grawh grawng nawh, Aux krai ka pex,
Aux tag ang baox ih Pasakha, tom sidah hoik
grum naog daux Meung Siyiex heue.” ¹⁷ Nawh
Cao rieb ti teei kawk, khaix hoik yaogyaw
Nawh buanson, Nawh ah nin, “Teei in, goih ka
paox tix heue.




¹⁸ Grawh grawng nawh, Aux krai ka pex, Aux tag ang lai baox nyaux rawm plix siiet, tom sidah ang meung Siyiex nyang bax hoek heue.”

¹⁹ Nawh Cao teei khaomun, khaix hoik yaogyaw Nawh bwanson, Nawh sivit ti tawx ka kix ah nin, “In mawh tokaux Aux pa hoik tawx son pex heue. Yuh ceu in son sang doh keud ka Aux heue.”



²⁰ Awm an, khaix hoik ih priex bo, Nawh tee kawk ah nin “Kawk in mawh sijax mukheu pa khraox, ka daux nham Aux, pa mawh pa lih son pex heue. ²¹ Viang mawh nan, taix kaw pa sang tik sang tawx Aux, koe tau mai Aux, piang pheen in heue.



²² Grawh grawng nawh, Kawn kawn pui tag sang hu awm pa hoik dud ah tete, viang mawh nan, pui pa tik pa tawx Nawh, tag kha rhawm heue.” ²³ Kix jah ti chawk ka paox tix, pui mawx pa sang yuh ceu in ka daux ex lie.

k. Deeh Thawk Theng

1. Pui Isarilax tan ceu pa tix son poi Pasakha ku num?
2. Yesux cau Petrux mai Yohan yuh pa tix?
3. Petrux mai Yohan sawg dah dee sang yuh poi Pasakha yuh ka mawx?
4. **khaix hoik ih Yesux poi Pasakha, sang lih tix mawh ceu pa tix?**
5. Yesux ah pa tix ka grawng khao mun khaix hoik sivit Nawh khao mun?
6. Yesux ah pa tix ka grawng rawm plix shiiet?
7. Mawh pui mawx pa coh Yesux?

kh. Krax Pa Doh Rhawm Ka Been

1. Yesux krai dee bleeh khao mun mai rawm plix siiet mawh pa tix?
2. Yesux tawx tokaux tix yuh ka mawx?
3. Maix keud yuh ka mawx ka grawng “sijax mukheu pa khraox”?
4. Daux phuk lai Sigang Khri ah Yesux mawh “Kawn Yung Siyiex”. Khaix hoik tawng maix grawng poi Pasakha, maix keud mawh kheu jao pa tix kok Yesux mawh “Kawn Yung Siyiex”?

g. Krax Pa Deeh Shiao Daux Ju Tix

1. Mawh kheu jao pa tix ex ih Poi Cao daux ceu cao?
2. Maix pon ti rieb gau ceu pa tix khaing grawng Yesux kadaux been in?
3. Daux rhawm maix koe yuh ka mawx yam hoik tawng maix Yesux tawx tan nham Tix mai tokaux tix son sang taoh maix?

ng. Ceu Pa Rieb Gau Ex Khaing Been In

1. Yesux tawng grawng sang yaox ti tawx tan ju Tix.
2. Kawn Yung pa tan daux poi Pasakha ex chix ti tiag mai Yesux, pa mawh Kawn Ai Siyiex. Yesux tawx tan nham Tix mai tokaux Tix, son sang luat luan ex khaing siawp sibrawm phimap.
3. Yesux simie ex doh keud ka grawng ceu pa hoik yuh Nawh son ex.
4. Maix kawn pon rieb gau ceu pa tix? Kawn koe lox chawk tix ceu ceu lie?

Baux Lai Pa Caw Tix Ci

Lukax 22:20 Awm an, khaix hoik ih priex bo, Nawh teei kawk ah nin “Kawk in mawh sijax mukheu pa khraox, ka daux nham Aux, pa mawh pa lih son pex heue.”